

Kvennalistinn vill fara í stjórn eftir kosningar

Mbl. 15. júní '93

SAMTÖK um kvennalista héldu árlegan vorfund á Núpi í Dýrafirði 11.-13 júní. Kvennalistakonur vilja beina þáttöku í ríkisstjórn, „að loknum Alþingiskosningum,” segir Kristín Ástgeirs dóttir formaður þingfloksksamtaka um Kvennalista. Ákveðið var að málefnahópar kæmu saman í sumar til að fjalla um þann vanda sem ógnar atvinnulífi og þjóðlifi Íslendinga og leita lausna.

Kvennalistakonur hafa þá venju að hittast á hverju vori til að fara yfir stöðu Samtaka um kvennalista og stöðu þjóðmála og alþjóðamála. Nú um helgina hittust kvennalistakonur á Núpi í Dýrafirði. Á fundi þessum voru fulltrúar frá öllum landsfjórðungum og þrír af þingmönnum Samtakanna, Anna Ólafsdóttir Björnsson, Jóna Valgerður Kristjánsdóttir og Kristín Ástgeirs dóttir formaður þingfloksins.

Á laugardeginum var til umræðu stjórnmálaástandið almennt. Að sögn Kristínar Halldórsdóttur framkvæmdastjóra Samtaka um Kvennalista, kom vanraust kvennalista-kvenna til ríkisstjórnarinnar glögglega fram. Engum dyldist að þjóðarheimilið hefði orðið fyrir miklum áföllum en kvennalistakonur teldu núver-

andi ríkisstjórn alls ekki treystandi til að jafna byrðunum réttlálega á landsmenn.

Á fundinum á Núpi kom það fram í málí margra viðstaddir að Kvennalistinn ætti að stefna að beinni þáttöku í ríkisstjórn. Kristín Ástgeirs dóttir þingfloksformaður Kvennalistans taldi umtalsverð líkindi á því að lífdagar númerandi ríkistjórnar væru senn taldir, í þessu sambandi var nefnt meint ósamlyndi ríkisstjórnarinnar og ráðleysi. Hins vegar var það einnig talið fram að ríkisstjórnarflokkunum þætti kosningar heldur ófýsilegar við númerandi aðstæður; efnahagsvanda og fylgisleysi sem skoðanakannanir hefðu ítrekað leitt í ljós. Kristín Ástgeirs dóttir sagði kvennalistakonur verða að vera við öllu búnar og undirbúa sig málefna-

lega því mikil og vaxandi vandamál blöstu við. Málefnahópar yrðu að setjast niður og ræða helstu mál, atvinnumál, sjávarútvegsmál, Evrópumál og heimsmál, ríkisfjármál og stöðu kvenna í öllum þessum málum.

Í samtali við Morgunblaðið sagði Kristín Ástgeirs dóttir þingfloksformaður það vera ljóst að kvennalistakonur yrðu að vinna mikla vinnu í sumar, ekki hvað síst ef kosningar yrðu í haust. Aðspurð sagði Kristín að hugsanlegir samstarfsaðilar í ríkisstjórn hefðu ekki verið ræddir, nema að því leyti að sumir fundarmenn hefðu bent á ýmsa galla hinna fjögurra hefðbundnu stjórnmalaflokka. Kristín sagði þáttöku Kvennalistans í ríkisstjórn ekki koma til greina nema að undangegnum Alþingiskosningum.

Skipulagsmál

Skipulagsmál Kvennalistans voru einnig til umræðu fundinum á Núpi. Það var flestra mál að standa yrði að ákvárdanatöku í mikilvægustu málum með ákveðnari og ljósari hætti. Mikil ákvörðunarvald hefði verið í höndum þingfloksksamtak-

anna. Þingmenn Kvennalistans á Alþingi vildu að fleiri réðu ráðum. Samþykkt var að þingmenn samtakanna og fulltrúar úr öllum kjördænum kæmu saman fyrir júlílok og undirbyggju tillögur um öflugra skipulag sem síðar yrðu lagðar fyrir landsfund.

Sveitarstjórnarkosningar

Á vorfundinum voru einnig ræddar sveitarstjórnarkosningar á næsta ári og hver hlutur Kvennalistans og kvenna ætti að vera. Kristín Halldórsdóttir framkvæmdastjóri Kvennalistans benti á að konum hefði fækkað í sveitarstjórnum í síðstu kosningum. Væri það til mikils skaða fyrir alla. Vorfundurinn á Núpi samþykkti áskorun til kvenna um að bjóða sig fram til sveitarstjórnarstarfa og að styðja þær sem gæfu kost á sér. Sérstök kvennaframbod voru nokkuð rædd meðal fundarmanna á Núpi. Kristín Halldórsdóttir sagði ákvárdanir um framboð verða að ráðast eftir aðstæðum á hverjum stað. Hún gerði þó fastlega ráð fyrir sérstökum framboðum a.m.k. í Reykjavík og á Ísafirði.